

დოქმა

ალმანახი №2

გამოვა როცა ეს შესაძლებელი იქნება.
 შემდეგ №-დან ვეცდებით სურათების მო-
 თავსებას. ადრესი: სტამბა „ძმობა“ კა-
 ზაკოვის ქუჩა სახ. № 17

შინაარსი: 1) მოწინმე, 2) შეკითხვა სამღვთო სჯულის დედა ენაზე სწავლების შესახებ. 6 თებერვლის სხდომა. (სიტყვები იაგელოს, ალექსეევის, ჩხენკელის, სვეტიცის და სხ.). 3) შეკითხვა კავკასიაში საშვალ ნუსხის შეცვლის გამო. (სიტყვები ჩხენკელის, ჩხეიძის და გელოვანის.

ძუთარსი, 10 მარტი.

ალმანახის პირველ ნომერში ჩვენ მოვიყვანეთ მთავობის დეკლარაცია და მისი პასუხი სხვადასხვა ფრაქციებისაგან. მარა, სამწუხაროთ უადგილობის გამო იძულებული გავხდით სრულიად გამოგვეტოვებია ნაციონალურ წარმომადგენლობათა პასუხები; ეს მით უმეტეს გავბედეთ, რომ ჩვენი ქვეყნის შესახებ თქმული სიტყვები მოთავსებული იყო ადგილობრივ ყოველ დღიურ გაზეთებში და მაშასადამე მკითხველს იგი წაკითხული ექნებოდა. ამ ყაბათ ჩვენ გვსურს უმთავრესი ყურადღება მივაქციოთ სახ. დუმის მეორე მთავარ საგანს - ესაა შეკითხვები. შეკითხვა დეპუტატების უდიდესი იარაღია აუარებელ უკანონობათა აღსანიშნავათ, რომელთაც ადგილი აქვს ჩვენში. ამ შეკითხვებით, კონკრეტულ მაგალითებზე სურათდება ნამდვილი სახე მთავრობის პოლიტიკისა ამა თუ იმ სფეროში. ამა თუ იმ კუთხის და ერის მიმართ. მასში, როგორც სარკეში, მოსჩანს ამასთანავე მთელი სისტემა დღევანდელი რუსეთის, მთელი თავის სიგძე-სიგანით. დებუტატს საშვალეება ეძლევა ისარგებლოს ამ მწვავე მომენტით და ხელი ჩასჭიდოს დღევანდელ პოლიტიკის დედა ძარღვს და გაშიშვლებული გამოიტანოს იგი საზოგადოებისა და კანონმდებლობის

წინაშე. ესაა უდიდესი მნიშვნელობა ყოველ შეკითხვის. ამიტომ ჩვენ სრული უარყოფით ვუყურებთ ისეთ მოვლენას, როცა შემკითხველნი დასაბუთებას გაურბიან და მხოლოდ შეკითხვის მიღებით კმაყოფილდებიან. პირიქით, აქ აუცილებლათ საჭიროთ მიგვაჩნია საკითხის გაშუქება და მისი პრინციპიალური მნიშვნელობის გამოაშკარავება.

ამ მხრით საყურადღებოა ამ ნომერში მოთავსებული შეკითხვები. ერთი მათგანი ეხება სამღვთო სჯულის დედანაზე სწავლების გაუქმებას არა მართლმადიდებელთათვის, მეორეა საშკოლო შეკითხვა კავკასიაში. ორივე შეკითხვა მემარცხნეთაგან არის შეტანილი და უმთავრესათ მართებლობისაგან განაპირა ქვეყნებში მიღებულ პოლიტიკის დამახასიათებელია. ჩვენ გვეგონა, რომ ადგილობრივი გაზეთები რაიმე მხრით აღნიშნავდნ ამ საგანს. მარა გარდა შემკითხველების წინააღმდეგ დემაგოგიურ ბრალდების წამოყენებისა ვერაფერი დავინახეთ. თვით იმათაც კი, რომელნიც გელოვანს ქართველ ერის ერთათ ერთ წარმომადგენლათ გვისახავენ, ამ შემთხვევაში, ე. ი. სწორეთ საქართველოს შკოლების შესახებ მისგან ნათქვამი სიტყვა დღემდე არ გააცვნიეს მკითხველებს. მარა გადავიდეთ ისევ კითხვებზე.

პირველ შეკითხვას იცავდა იაგელო, ვარშავის მუშათა დეპუტატი, მეორე და მესამეს, ჩხეიძე და ჩხენკელი. პირველი შეკითხვის გამო უკმაყოფილო დარჩენ პოლონეთის კოლოს დეპუტატები, მეორით გელოვანი და ჩვენი ნაციონალისტები. ორივემ ერთი და იგივე საბუთი წამოაყენეს, რათ ჩვენც არ გაგვირიეთ შეკითხვაში და ჩვენთან ერთათ შეთანხმებულათ არ გამოდით მათ დასაცველათო. მართლაც რათ არ მოხერხდა ეს შეთანხმება? მიზეზი ადვილი გასაგები იქნება, თუ მათ ნალაპარაკვეს დაუკვირდებით. ორივე შეკითხვის შესახებ უკმაყოფილო დეპუტატებმა საბაბი იშოვეს ლაპარაკის და კიდევ ილაპარაკეს. მარა დაუკვირდით, რა დიდი პრივილეგიური განსხვავებაა მათს და ინტერპელიანტების, სიტყვებ შორის, პირველნი ამ შეკითხვის საგანს ადგილობრივი თვალსაზრისით ზომავენ, კერძო ერთი კუთრის შეურაცყოფათ თვლიან, მეორენი ე. ი. ს. დ. კი მთელ სისტემას დევნი დელი წყობილებისას ამ მაგალითით ასაბუთებენ, პირველთ აინტერესებთ უმთავრესათ ეს ფაქტი უკანონობის, მეორეთ კი ამ ფაქტის სახით სურთ ქვეყანას პრინციპიალურ საკითხებზე მიუთითონ, მთელი სისტემის უვარგისობა დაანახვონ. ერთი სიტყვით მეორენი შეკითხვას ფართეთ აყენებენ, პრინციპიალურათ სვამენ, პირველნი ვიწროთ. ამიტომ მეორეთა სიტყვა მთელი რუსეთის დემოკრატიის ყურადღებას იპყრობს, ყველასთვის მწვავე საკითხათ ხდება, პირველთა პირში კი იგივე საქმე ერთი კუთხვის ფარგლებს არ სცილდება, და ასე თითქოს განგებ საზოგადო მნიშვნელობას მოკლებული ხდება. ცხადია ასეთ დიამეტრალურათ წინააღმდეგ თვალსაზრისზე მდგომი ხალხი ერთად შეთანხმებულათ ვერ დაიცავს ასეთ პრინციპიალურ საკითხს. თუ არ გჯერათ ნათქვამი, აიღეთ ეს ნომერი ხელში და

გადაათვალიერეთ თუნდაც კრუპსკის შესახებ შეკითხვაზე ნათქვამი სიტყვები ჩხეიძე-ჩხენკელისა ერთი მხრით და გელოვანის მეორე მხრით. და თქვენ დაინახავთ, თუ რა დიდი განსხვავებაა ამ ორ მხარეს შორის. თქვენ შეიძლება ამის შემდეგ არც ის გაგიკვირდეთ, რომ თვით გელოვანის მომხრე გახეთქება მისი სიტყვა დღემდე არ აღბეჭდეს თავის ფურცლებზე, თუმცა მის გარშემო განგაში დიდი ქონდათ ატეხილი!

ჩვენ მეტს აქ არას ვიტყვით.

სახელმწიფო დუმა 6 თებერვლის სხდომა. (შეკითხვები)

სხდომა იხსნება 2 სათზე და 16 წუთზე.

თაჯღლომარე: განსახილველია 31 წევრის შეკითხვა სახალხო განათლების მინისტრისადმი შესახებ იმ პირთა ენაზე საღმთო სჯულის სწავლებისა, რომლებიც ეკუთვნიან არა მართლმადიდებელ ეკლესიებს. კითხულობენ შეკითხვას:

შეკითხვის სიჩქარეს იცავს სახელ. დუმის წევრი **იაგელო.**

იაგელო. (ს. დ. ვარშავიდან) ბატონო სახელმწიფო დუმის წევრო! ეგრეთ წოდებული 1905 წ. 1 აპრილის უმაღლესი უქაზი სარწმუნოების თავისუფლების შესახებ სხვა და სხვა სარწმუნოების აღმსარებელთათვის სამღვრთო სჯულის სწავლებას მოსწავლეთა სამშობლო ენაზე აწესებს ამასთან ერთათ 1906 წლის 22 თებერვლის დროებითი წესების თანხმათ მოსწავლეთა სამშობლო ენა მშობლების ანუ მზრუნველების წერილობითი განცხადებით უნდა აღინიშნოს; და აი ახლა, ამ კანონის 7 წლის არსებობის შემდეგ დაუღალავემა კასომ 1912 წ. 27 ოქტომბერს გამოცემული ცირკულიარით „განმარტა“ ის. კანონით აღნიშნული წესი, თუ როგორ ჯავინ უნდა გამოარკვიოს, რომელი ენაა მოსწავლის სამშობლო ენა, ახლა მისი განკარგულე-

ბით სამოსწავლო მთავრობის სურვილის და შეხედულების თანახმად უნდა გადაწყდეს. და მართლაც, ბატონებო, ვინ უნდა თქვას სისწორით და გამოარკვიოს, თუ არა ისევე მშობელმა, თუ რომელი ენა უნდა ჩითვალოს მისი შვილის სამშობლო ენათ? კასოს ცირკულიარით კი ამ კითხვას თვითონ სასწავლებლის უფროსები გადაწყვეტენ, მათგან შეკრებილ ცნობების მიხედვით. ამ ცნობებს ისინი ამოკრებენ არა მარტო მშობლებთან საუბრიდან, არამედ ბავშვებთან ლაპარაკიდან. კასოს უწყების ჩინოვნიკები იმ კითხვის გამოსარკვევად, თუ რომელ სარწმუნოებას ეკუთვნიან ბავშვები, ზეგავლენას მოახდენენ ბავშვებზე, უკეთ რომ ვთქვათ იმათ სარწმუნოებრივ სინდისზე ძალდატანებით იმოქმედებენ. ამას ექნება ის მნიშვნელობა, რომ ბავშვებში მონური გრძნობები განავითაროს, მარა ცირკულიარზე უფრო დამახასიათებელი მისი შენიშვნაა, რომლითაც იმ შკოლებში, სადაც სამღვთო სჯულის მასწავლებელმა მოსწავლეების სამშობლო ენა არ იცის, სამღვთო სჯული რუსულ ენაზე უნდა ასწავლოს; და რა თქმა უნდა, ბ. კასოს ხელქვეითებმა, კარგათ იციან, როგორი გზით შეიძლება ბრწყინვალე „კარიერის“ გაკეთება, სამსახურში „დაწინაურება“. ისინი შესაფერ დასკვნას გამოიყვანენ მისი განკარგულებიდან და ყოველთვის ეცდებიან სამღვთო სჯულის მასწავლებლებათ ისეთები გააწესონ, რომლებმაც მოსწავლეების სამშობლო ენა სულაც არ იციან. თუ ჩვენ ახლა ეს შეკითხვა შემოგვაქვს, ეს იმიტომ კი არა, რომ ჩვენ ვერ ვცნობთ შკოლებში სამღვთო სჯულის სწავლების საქმეს სწორათ და რიგიანათ დაყენებულათ, არა ჩვენ სარწმუნოებრივ მიგვაჩნია კერძო ცხოვრების საქმეთ და ამიტომაც მოვითხოვთ, რომ ის სახელმწიფოსგან გამოცალკევებულ იქნას. აი აქედან გამოვდივართ და ვამბობთ, რომ შკოლას მხოლოდ „საერო“ ხასიათი უნდა ქონდეს. იქ მხოლოდ და განსაკუთრებით საერო-განათლების ხასიათის საგნებს უნდა ასწავლიდენ; მხოლოდ მაშინ განიკურნება და გაიწმინდება შკოლის შინაგანი ცხოვრება ასეთ მომწამვლელ

პოლიტიკისაგან; მხოლოდ მაშინ შეიძლება მცხოვრებთა უღარიბესი ნაწილი ისარგებლოს შკოლებში ხანგრძლივად გატარებული დროთი, რომ აუცილებელ ზნეობრივ გინვითარების მაქსიმუმს მიაღწიოს. მარა, რაკი ახლა საღმთო სჯულსაც ასწავლიან სახელმწიფო შკოლაში, როგორც სავალდებულო საგანს, ამიტომ მასაც, ისე როგორც სხვა სამოსწავლო საგანს, უნდა ასწავლიდენ სამშობლო ენაზე განუზრევლათ სარწმუნოებისა და ეროვნებისა. 1912 წლ. 27 ოქტომბრის ცირკულიარი კი მცხოვრებთა ამ ელემენტარულ უფლებას მეტათ ტლანქათ და მოუხეშავათ არღვევს. ამ ნაირათ, ბატონებო, ჩვენ ლიკვიდაციის ახალ აქტთან გვაქვს საქმე: იმ მრავალ დათმობათგან, რაც ბიუროკრატამ განმათავისუფლებელ ღღებში დაუთმო ხალხს, ახლა სპობენ. ამ ბოლო ხანებში მთავრობის მოქმედება, უმთავრესათ, იმაში გამოიხატა, რომ უსირცხვოთ მოსპო, გააქროსულ მეტი დამეტი რიცხვი იმ დათმობისა, რომლებიც ხალხის მოძრაობის შიშით 1905 წ. თვითონვე აღიარა. რასაკვირველია, სხვა აშკარა უკანონობათა შორის, რომელიც კი ხალხისთვის ბიუროკრატის მიუყენებია და რომლებიც მესამე სახელმწიფო ღუმის უმრავლესობისგანაც კი არიან აღნიშნულნი, ეს უკანასკნელი ცირკულიარული განკარგულება კასოსი ახალს, განსაკუთრებულს და შესამჩნევს რასმე როდი წარმოადგენს. მაგრამ მაინც ამ აქტის პრაქტიკული შედეგი იმდენათ სერიოზულია, რომ უფლებას და საბუთს გვაძლევს, ამ შეკითხვის საჩქაროთ განხილვა მოვითხოვოთ. და მართლაც ეს ცირკულიარი რომელიც 1905 წ. 17 ოქტომბრის უქაზს ასე უსირცხვოთ არღვევს, მეტათ მწვავე ტკივილებს გამოიწვევს პოლონელ მკვიდრთა მასაში. ჩვენ მალე დავინახავთ, თუ რა შოვინისტურ და ნაციონალისტურ განგაშს და ყვირილს გამოიწვევს ის პედაგოგებსა შორის და აქედან ერთი მხრით ეს შეამცირებს პოლონეთის შკოლებში პოლონელ მოსწავლეთა რიცხვს და მეორე მხრით გამოიწვევს კიდევ უფრო სასტიკ რეპრესიებს და ღვენას მთავრობისას. მარა ეს კი

დევ ცოტაა. ხალხის სინდისის ყოველ გვარი შევიწროება-შეწუხება არა თუ მარტო თავისთავათ მავნებელია, არამედ ის საზარალა იმიტომაც, რომ ის აუცილებლათ ბადებს ნაციონალისტურ მითქმა-მოთქმას, აურზაურს და მასას ნაციონალისტურ გუნდებაზე აყენებს, რომლის წყალობითაც ყველა ერების ბიუროკრატია ცდილობს ხალხის ყურადღება უსაჭიროეს მოთხოვნებებს ააშოროს, ისეთ მოთხოვნებებს, რომლებიც... (ხმაურობაა; არ ისმის)... ეს დებულება უფრო ნათელია (არ ისმის), ვიდრე ის, რომელსაც პოლონეთის თანამდროვე ცხოვრება იძლევა. პოლონეთის გაბატონებულმა (არ ისმის), რომელიც დაჩაგრული და დევნილი ხალხის ერთ ნაწილს შეადგენს, ბრძოლა გამოუცხადა კიდევ უფრო ჩაგრულს და დევნილს ერს, ებრაელებს... (ხმაურობა... არ ისმის)...

მათელი პოლონეთის სივრცეზე მათი საზიზღარი დევნა-აწიოკება, გამეფებული. საზოგადოებრივი ატმოსფერა სულის შემხუთველი შეიქნა და ამ დროს მხოლოდ პოლონელმა და ებრაელმა მუშებმა შეიძლეს საკადრისი პასუხი მიეცათ შოვინისტთა ბანაკისათვის. ყველაზე ჩამორჩენილ მუშათა წრეებზე საშინლათ და დამლუპველათ მოქმედებს ეს დევნა-აწიოკება. 1912 წ. 27 ოქტომბრის ცირკულიარი ყველაზე უწინ ლიტვასა და ბელორუსიას ეხება და მიმართულია ლიტველებისა და ბელორუსების წინააღმდეგ. ის უსათუოთ გამოიწვევს ყველა ჩემ მიერ ჩამოთვლილ შედეგებს და ამიტომ ჩვენ დაჟინებით და ენერგიულათ მოვითხოვთ, რომ საჩქაროთ იქნას ეს შეკითხვა განხილული. (ხმები მარჯვნივ: არაფერი არ გვესმის; მარცხნივ ტაშის ცემა).

სიჩქარის წინააღმდეგია დუმის წევრი ალექსევი.

ალექსევი: (ქ. ვარშაიდან) 31 შემკითხველებმა ქ. ვარშავის დეპუტატის, პოლონელის კოლოს წარმომადგენლის, იაგელოს მეთაურობით (ხმები მარცხნიდან: ძირს პოლონეთის კოლო, სადაური პოლონეთის კოლო) ...უკაცრავათ, დიდათ ბოდიშს ვიხდი,

მე მეგონა, რომ ქ. ვარშავის დეპუტატები ყველა „კოლოს“ წევრები იყვნენ. (ტაშისცემა და სიცილი მარჯვნივ; ხმები მარცხნივ: მაშ თქვენ თითონ რათ არა ხართ მისი წევრი?) ბატონებო, სიჩქარის მისაღებათ, სამი რამ არის საჭირო: პირველი უქვევლი უკანონობა, მეორე ფაქტიური სისწორე — და მესამე კითხვის განხილვის დაგვიანების უხერხულეება. ამ საზომის მიხედვით რაც ძალი და ღონე იყო, მთელი ჩემი სმენა ბ. იაგელოს სიტყვას მივაპყარ, მარა სიტყვაში ვერავითარ მოტივს ყური ვერ მოვკარი.... შემკითხველნი თავის აზრს, რომ მოსწავლეების სამშობლო ენის აღნიშვნა კანონით მშობლებს ეკუთვნის, ასაბუთებენ მინისტრის დროებითი წესებიდან მოყვანილი სიტყვებით: „მოსწავლეთა ბუნებრივი ენა აღინიშნება წერილობით ან მშობლების ანუ მზრუნველების მიერ“. მერე კი ამავე საგნის შესახებ მინისტრის 1912 წლისას 27 ოქტომბრის ცირკულიარს უკანონოთ თვლიან. პირველ შემთხვევაში „დროებითი წესების“ თანახმად დადგენილი კანონიერ ნორმათ არის აღიარებული, მეორე ხოლო შემთხვევაში იგივე დროებითი წესების ძალით, მინისტრის მიერ გამოცემული ცირკულიარი უკანონოთ რაც დიდ წინააღმდეგობას შეიცავს. მესამე დუმის გამოცდილებიდან ვიცი, რომ დროებითი წესები კანონის ნორმათ არ შეიძლება ჩაითვალოს: კანონის ძალითვე მინისტრს უფლება აქვს თავისი წინა მოადგილის დროებითი წესები თავისი დროებითი წესებით შეცვალოს; მარა ეს უკანონობა არ იქნება. ამიტომ წარმოდგენილ შეკითხვაში ჩვენ მინისტრისგან ჩადენილ უკანონობას ვერ ვხედავთ. რაც შეეხება მის შემდეგისთვის გადადების უხერხულობას, ეს ხომ სულ უსაფუძვლოა, რადგანაც კითხვა, თუ რომელ ენაზე უნდა სწარმოებდეს შკოლაში სწავლება, ყველგან სამოსწავლო წლის დასაწყისში უნდა ირკვეოდეს; ახლა კი სამოსწავლო წლის მეორე ნახევარი მიდის, ამიტომ სრულიათ ულაგაა ამ კითხვის ამჟამათ დაჩქარება.....

სიჩქარეს იცავს **ჩხენკელი**. ბბ. სახელმწიფო სათათბიროს წევრო! დაუდგრომელი

და, მასთან შეიძლება ვთქვათ ისტორიული ხასიათი წინა ორატორის სიტყვისა ნათლად ამტკიცებს, რომ ჩვენმა შეკითხვამ მიზანს მიაღწია. ისპირდაპირ მოხვდა ნიშანში სახელმწიფო დუმის უმრავლესობის და მთავრობის ნაციონალისტურ პოლიტიკას. ჩვენ ჩვენის მხრით მუდამ გამოვავაშკარებთ თქვენს შოვინისტურ და კაცთმძულვარე ინსტიქტებს ქვეყნის წინაშე. (მარჯვნივ მოძრაობა, ხმები მარცხნიდან: მართალია)... რაც შეეხება საქმის არსებით მხარეს ნება მომეცით ახლავე გადავიდე მაზე.

სოციალდემოკრატიული ფრაქციის შეკითხვა ეხება ჩვენში სახელგანთქმულ სარწმუნოებრივ თანასწორობას. მე ვფიქრობ, იმ ქვეყანაში, სადაც პირველობა და ბატონობა ერთი სარწმუნოებისა აღიარებულია, ასე, ვთქვათ უმაღლეს სახელმწიფოებრივ სიბრძნეთ, იმ ქვეყანაში, სადაც გაბატონებულ ეკლესიის მსახურით ინახავენ არა მარტო მართლმადიდებელთა ხარჯზე, არამედ მასთანერთათ მწვალებლების, სექტანტების და სხვა რწმენის ხალხის ხარჯზე, ამნაირ ქვეყანაში სარწმუნოებრივ თანასწორობაზე ლაპარაკი სრულიად ზედმეტია. ჩვენ, სოციალდემოკრატები წინააღმდეგი ვართ იმის, რომ რომელიმე ეკლესიას, თუნდ ის მართლმადიდებელი ეკლესია იყოს, სახელმწიფოებრივი ხასიათი მიეცეს და მოვითხოვთ ეკლესიის გამოცალკავებას სახელმწიფოსაგან. მაგრამ ახლა კამათია არა ამ კარდინალურ კითხვაზე, არამედ იმაზე, რომ დავიცვათ ის მინიმუმი სარწმუნოებრივ თავისუფლებისა, რომელიც არსებულ კანონებით არის დადასტურებული. რას ვხედავთ ჩვენ აქ? 17 აპრილის 1905 წ. უმაღლესი ბძანება, რომლის დარღვევას ჩვენ სახალხო განათლების სამინისტროს ორგანოებს ვაბრალებთ, წარმოსდგა 12 დეკემბრის 1904 წ. უმაღლეს ბძანებისაგან. ეს უკანასკნელი კი თავის მხრით ეყრდნობა 1903 წ. 26 თებერვლის მანიფესტს. ყველა ამ საბუთებში ვკითხულობთ, რომ სარწმუნოებრივი თავისუფლება ერთი შეურყეველ საფუძველთაგანი უნდა იქნეს რუსეთის იმპერიის. 1904 წ. 12 დეკ. უმაღ. ბძანება 6 მუხლი კი თხოულობს,

რომ მთავრობამ გადაათვალიეროს კანონ მდებლობა მწვალებლების და იმ პირთა უფლებების შესახებ, რომლითაც სხვა სჯულის აღმსარებელნი სარგებლობენ. და მხოლოდ 1905 წ. 17 აპრილის უმაღლეს ბძანებაში ჩვენ ვხედავთ ამ დებულების ერთი ნაწილის შესრულებას. ესაა ის 14 მუხლი, რომელიც, უფლება გვაქვს, გაუქმებულათ ჩათვალოთ პეტერბურგის სამოსწავლო ოლქის მართველის ცირკულიარულ განკარგულების შემდეგ. წაკითხულ შეკითხვიდან თქვენ იცით, რომ 14 მუხლი გადაჭრით მოითხოვს, რომ სხვა სარწმუნოების მიმდევართათვის საღეთო სჯულის სწავლება ყველა სასწავლებლებში უნდა სწარმოებდეს მოწაფეთა დედაენაზე. ეს მოთხოვნილება ემყარება მინისტრთა კომიტეტის იმ შეხედულებაზე, რომელიც გატარებულია მათ ჟურნალში 1905 წლის 22 თებერვალს. იქ ჩვენ ვკითხულობთ, სხვათა შორის, შემდეგს: „კომიტეტის რწმენით საღეთო სჯულის დედაენაზე სწავლების აკრძალვა ადვილათ მიიღებს სარწმუნოებრივ დენის ხასიათს, გამოიწვევს ძალუმ მღელვარებას და ასე წინ გადაელობება საზოგადო ცხოვრების მშვიდ მიმდინარეობას“. —ბოლოს, 22 თებერვალს 1906 წ. სახალხო განათლების მინისტრმა გამოსცა დროებითი წესები, რომლის 2 მუხლი ამბობს, რომ მოწაფეთა დედაენა გაისაზღვრება მათი მშობლების და აპეკუნების წერილობითი განცხადებით. ოფიციალურ აქტების ზერეღე გადათვალიერებიდანაც ნათლათ სჩანს, როგორც თითონ კანონის აზრი, ისე მისი განსახორციელებელი საშუალება. ძნელი არაა იმის შენიშვნა, რომ ეს კანონი სრულიად არ შეიცავს ყველა იმას, რაც თავდაპირველათ საჭიროთ მიაჩნდათ ამ კანონისთვის დაემქვემდებრებიათ. ცხადია, რომ დეკემბრის უქაზის 6 მუხლი თხოულობს მწვალებლების და სხვა სჯულის აღმსარებელთა კანონმდებლობის ვადასინჯვას, მარა 14 მუხლი ეხება მხოლოდ მართლმადიდებელ ქრისტიანებს. ამ ნაირათ სხვა სჯულის აღმსარებელნი, რომლებიც რუსის ხალხის ევროვნებას არ ეკუთვნიან, მოკლებული არიან ამ მუხლში გატარებული

მკირედ გარანტიასაც კი. განსაკუთრებულ ყურადღებას იპყრობს ამ მხრით რამდენიმე მილიონ მუსულმანთა მდგომარეობა, მაგრამ ებრაელთა მოგომარეობა კიდევ უარესია. ებრაელების ენა ბიუროკრატის ანგარიშში სრულიად არ შედის, მას მოქალაქურ უფლებას არ აძლევენ.

საღმრთო სჯულის და სხვა საგნებს ყოველ შკოლაში რუსულათ ასწავლიან ებრაელთა ბავშვებს, მაგრამ სახალხო განათლების სამინისტროსთვის ეს საშინელი უსამართლოებაც საკმარისი არ შეიქმნა. და ის სპობს იმ უმნიშვნელო უფლებებსაც, რომელიც დიდი შრომით და მსხვერპლით იქნა მოპოებული 1905 წ. თუ კი დროებითი წესები, რომელნიც მშობლებს და აპეკუნებს აძლევს უფლებას თითონ გამოარკვიონ თავის ბავშვების და სააპეკუნოების დედა ენა, სისწორით გამოხატავს უმაღლესი ბრძანების მე-14 მუხ. აზრსა და მნიშვნელობას, ცხადია, ჩვენს შეკითხვაში მოყვანილი ცირკულიარი პეტერბურგის სამასწავლებლო ოლქის მართველისა წარმოადგენს მშობლების და აპეკუნის ამ ბუნებრივ უფლების უზურპაციას, მოტაცებას სასწავლებლების უფროსების სასარგებლოთ და მით სასიკვდილო ლახვარს სცემს ამ კანონს. თანახმად ამ ცირკულიარისა ბავშვების დედაენას ამიერიდან განსაზღვრავენ სასწავლებლების უფროსები ე. ი. საბოლოოვით ისევ ჩვენი შეკითხვის გმირი ბ. კასო. იმის გამოსარკვევი საშვალეობა, თუ ვინ არის ელინი და ვინ ბარბაროსი, სავსებით შეეფერება ჩვენი ბიუროკრატების ტალანტს მაძებრობის სფერაში. პატარა ბავშვებს და მათ მშობლებს აწეგზამენს დააქერიებენ მარტო ზეპირში კი არა, არამედ წერაშიაც, რომ ამით გამოარკვიონ მათი დედაენა. პირისპირ წაუყენებენ ერთიმეორეს და ეცდებიან პატარაების ჩვენებით გააქარწყლონ მათი მშობლების ჩვენება და პირიქით. თუ სხვა და სხვა აზრი დატრიალდა და საქმე გაძნელდა, მაშინ ჩამოერევა სამასწავლებლო მთავრობა, და მთელი მისი იერარქია თვით მინისტრამდე. ჩვენ, მგონია, მოვესწრებით იმ დროს, როცა უცხო ტომის ორივე სქე-

სის ბავშვებს ათასობით მოიყვანებენ ჩერნიშევის ხილთან-მოედანზე, რომ ამით ბ. კასოს საშვალეობა მიეცეს, თითონ შეამოწმოს ადგილობრივი ცნობები მათი სამშობლო ენის შესახებ.

ჩაყვეთ ქვევით: პეტერბურგის სამოსწავლო ოლქის მართველის ცირკულიარს, ერთი შენიშვნა ახლავს, რომელიც ბავშვების დედაენის გამორკვევის მაგიერ წინადადებას იძლევა მასწავლებლების ენა იქნეს გამორკვეული. აი სიტყვა სიტყვით ეს შენიშვნა: „თუ, საღვთო სჯულის მასწავლებლებმა არ იციან ბუნებრივი ენა ბავშვისა მაგალითად: ლათინური, ლიტვური და სხ., მაშინ ამ საგნის სწავლება უნდა წარმოებდეს სახელმწიფო ენაზე.“ ამნაირათ, საქმე გასაოცრათ გაადვილდება: აწ ბავშვებს კი არ დააქერიებენ ეგზამენს, არამედ მათ მასწავლებლებს. მაგრამ თქვენ იცით ბბ., რომ მასწავლებლების შესახებ საქმე სხვანაირათაა. ვინ ნიშნავს ამ მასწავლებლებს? სამასწავლებლო მთავრობა. მაშასადამე, ვილა დაუშლის ამ მთავრობას მასწავლებლებათ დანიშნოს ისეთი პირები, რომლებმაც ბავშვების ენა არ იციან? თქვენც დამეთანხმებით, რომ ეს ღიდებული შენიშვნა წინდაწინვე პრემიას პირდება სამოსწავლო მთავრობის წარმომადგენებს შესაფერ მასწავლებელთა დანიშნისათვის. ის მიხვეულ-მოხვეული გზით აგრძნობიებს მათ, რომ კანონს შამოუარონ. აი საქმე სანამდი მივიდა! კანონი თხოულობს, რომ სამღვთო სჯულის სწავლება დედაენაზე წარმოებდეს. აქედან ცხადია, რომ მასწავლებლებათაც ისეთები უნდა დანიშნონ, რომლებმაც ეს ენა იციან; მიუხედავად ამისა, შენიშვნა შესაძლებლათ ცნობს ისეთი პირების დანიშნას, რომლებმაც მოწაფეების ენა არ იციან, და უნდა ასწავლონ მათ რუსულს, ან როგორც ამბობენ, სახელმწიფო ენაზე. ამნაირათ, გამოდის, რომ შკოლები მასწავლებლებისათვის არსებობს და არა მასწავლებლები შკოლებისათვის. მე ვიტყვოდი მთელი მოსწავლე თაობა რუსეთისა კასოსთვის არსებობს და არა ბ. კასო ამ თაობისათვის. ბბ. სახელმწიფო ღუმის წვერნო! მე დაქინებით მოვითხოვ, რომ თქვენ შესაფერი ყურადღება მიაქციოთ ამნაირათ უფლების დარღვევას. არავის ექვი

არ უნდა ექნეს იმაში, რომ ცირკულიარული განკარგულება პეტერბურგის სამოსწავლო ოლქის მართველისა სპობს უმაღლეს ბძანების 14 მუხლს. უკეთეს შემთხვევაში ამ შენიშვნის გამოყენება, რომელიც მე თქვენ წავიკითხეთ, წესათ გადაიქცევა, ხოლო ბძანების 14 მუხ. ასრულება იშვიათი და არა ჩვეულებრივი იქნება, მივაქცევ თქვენს ყურადღებას სამინისტროს 22 დეკემბრის 1906 წ. განკარგულების და აგრეთვე 27 ოქტომბრისა 1912 წ. გარეგნულ მხარეს; პირველს შემთხვევაში ეს განკარგულებანი დროებითი წესებათ იქნენ გამოცხადებული, მეორე შემთხვევაში კი საიდუმლო წინადადებისა სახით მოველინენ სამსწავლო ოლქების მზრუნველთ. აქედან აშკარაა, რომ მინისტრი, რომელმაც განიზრახა მოსწავლეთა დედაენის წინააღმდეგ ამხედრება, თითონვე გრძნობდა ამის უკანონობას. მას, ასე ვთქვათ, „საიდუმლოთ“ სურდა გაეყვანა თავისი არა პედაგოგიური და ანტინაციონალური ზომები, მაგრამ ეს არ მოხერხდა. ან როგორ უნდა მოხერხებულყო, როცა ასეთ თავგამოდებულ „ჩინოვნიკებთან გაქვთ საქმე?“. ვაზეთებიდან ვტყობილობთ, რომ ადგილობრივ უკვე ხორციელდება სახალხო განათლების მინისტრის ეს საიდუმლო წინადადება, აი ერთი ცნობა. „ამ დღებში ვილნოს საქალბო გიმნაზიის დირექტორმა ბძანა, რომ საღეთო სჯული რუსულ ენაზე ესწავლებიათ მოწაფე ქალების-ლიტველებისათვის; როცა განცვიფრებულმა მშობლებმა მიმართეს მას თხოვნით, რომ მას მათი ბავშვებისთვის საღეთო სჯულის დედაენაზე შესწავლის საშვალბა არ მოეკსპო, მან განაცხადა „დირექტორმა უკეთ იცის კანონი“ და, დაუმატა, რომ მისი განკარგულება ეთანხმება არა მარტო კანონს, არამედ მთავრობის სურვილსაც. განა საჭიროა ვამტკიცოთ, რომ ფარისევლურათ კანონის ხსენება სრულიად უადგილოა ამ შემთხვევაში? ჩვენ ვიცით, რომ მთავარი მიმზიდველი მნიშვნელობა აქვს არა კანონს, არემედ მთავრობის სურვილს. სახალხო განათლების დირექტორმა ჩინებულათ იცის (მე ვფიქრობ ის წერა კითხვის მკოდნეა), რომ ის არღვევს კანონს; მარა საქმეც იმაშია, რომ მას არ სურს კანონის შესრულება. მთავრობის ნება მისთვის ყველა კანონზე ძლიერია. აი მეორე ცნო-

ბაც: კიევის სამსწავლო ოლქის მზრუნველმა გაიგო რა, რომ საღეთო სჯულის სწავლება ქსენძების მეოხებით პოლონურ ენაზე სწარმოებს, წინადადება მისცა სამოსწავლო ოლქის მართველთ, რომ ამიერიდან არა მართლმადიდებელ ბავშვებისთვის საღეთო სჯული რუსულ ენაზე ესწავლებიათ. ამნაირათ კიევის სამოსწავლო ოლქის მზრუნველმა ერთი კაღმის მოსმით მოსპო პოლონელ მოსწავლე ბავშვების უფლება და თავის ენაზე საღეთო სჯულის შესწავლისა. ამნაირათ მან გადაჭარბა არა თუ კანონს, არამედ თვით ბ. კასოს ცნობილ შენიშვნასაც.

აი კიდევ სხვა ცნობაც, რომელიც გვიჩვენებს თუ საიდან წარმოსდგა მინისტრის წინადადება. ცნობა ამოღებულია გროდნოს გუბერნატორის მოხსენებიდან მთავრობისადმი. აი რაა იქ ნათქვამი: „პოლონური ენის გავრცელების წინააღმდეგ ბძაოლა შესაძლებელი იქნება მხოლოდ იმ შემთხვევაში, თუ 1906 წ. 22 თებერვლ. წესები შეიცვლება და სამსწავლო მთავრობას მიეცემა უფლება თითონ განსაზღვროს ენა, რომელზედაც უნდა ასწავლიდენ რომის-კათოლიკეთა ბავშვებს საღეთო სჯულს მიუხედავათ მშობლების განცხადებისა“. ამნაირათ, ბატონებო, ბ. კასომ პირველი ნაწილი თავის საიდუმლო განკარგულებისა გუბერნატორის ამ მოხსენებიდან ამოიღო. ის, სიმართლეს ვერ დავფარავ, პირნათლათ მიყვება იმ ტრადიციას, რომელიც მის უწყებაში დიდი ხანია გამეფდა: ის თავის ზომებს უთანხმებს ან პირდაპირ ლებულობს პოლიციის დეპარტამენტის კანცილიარიებიდან.

ყველა ამის შემდეგ ცხადია, რომ ჩვენი შეკითხვა წარმოსდგა საღეთო სჯულის დედა ენაზე სწავლების გამო, მარა არსებითათ იგი ეხება უფრო ფართო სფერას, სახელდობრ მართველთა ნაციონალისტურ პოლიტიკას. ამ შეკითხვაში მოყვანილია ერთი იმ მრავალ ფაქტთაგანი, რომელთაც ყოველ დღეს ვხედავთ ჩვენს კურთხეულ რუსეთში. ზოგიერთების დედაენა სრულიად განდევნილია ხმარებიდან, როგორც მაგალითად ენა მალოროსიული, ბელოროსიული, ებრაული და სხვა. სხვების ენას სასტიკათ დევნიან, როგორც მაგალითად: პოლონურს, ლიტვურს, ლატვიურს, ესტონურს, თათრულს, სომხურს და ქართულს. ამ შემთხვევაში დამახასიათებელია მდგომარეობა კავკასიაში, მარა ამაზე შემდეგ. ახლა კი უნდა ვთქვა შემდეგი: ქართველ ბავშვებს საღეთო

სჯულს ასწავლიან საშვალო სასწავლებლებში რუსულ ენაზე. მერე რატომ? რა მოსაზრებით? იმიტომ, რომ ისინი მართლმადიდებელი არიან. „თქვენ იგივე სარწმუნოება გაქვთ, რაც რუსებს, მაშასადამე სამღვთო სჯული რუსულ ენაზე უნდა ისწავლოთო!“ აი ასე მსჯელობს კავკასიის სამოსწავლო მთავრობა. ისეთი პირებიც იყვნენ სჯულის მასწავლებელთა შორის, და ამის შესახებ მემარჯვენე ორატორმა კითხვაც აღძრა, --რომლებიც დიდის გატაცებით უმტკიცებდნენ ქართველ ბავშვებს, რომ ღმერთს მხოლოდ რუსული ან, უკეთ, საეკლესიო სლავიანური ენა ესმისო. ბატონებო, არც ისე დიდი ხანია მას შემდეგ, რაც მინისტრთა საბჭოს თავმჯდომარე ამ ტრიბუნიდან სიამოვნებით დაეთანხმა სახელმწიფო დუმის დეპ. მაკლაკოვის ერთ უტოპიურ განცხადებას: ეს იყო სურვილი იმის, რომ აღმასრულებელი ძალა კანონიერებას იცავდეს.

ახლანდელი შეკითხვა თვალსაჩინოთ ამტკიცებს, რომ ჩვენში არა თუ არ ხორციელდება კანონი, არამედ მისი დარღვევა კარგ სამსახურათ ეთვლება დამრღვევთ. მოიგონეთ ბატონებო, ტრეშენკოვი, რომელმაც ასობით უღანაშულო მუშები დახვრიტა, მოიგონეთ კურლოვი და კამპანია. განა ისინი კანონის ძალით დასაჯეს?! სრულიადაც არა, ისინი ახლაც თავისუფლათ დასეირნობენ მაშინ, როცა ათასობით...

თავმჯდომარე: ამას შეკითხვის სიჩქარესთან დამოკიდებულება არ აქვს, ილაპარაკეთ შეკითხვის სიჩქარეზე.

ჩხენკელი... მაგრამ საჭიროც არაა ასე შორს წავიდეთ. რით აიხსნება ბ. კასოს დარჩენა მთავრობაში და ის შარავანდედი, რომელიც მან მალაღსურების თვალში მოიპოვა? ჩემი აზრით, ეს იმით აიხსნება, რომ ის სისტემატიურათ, სრულიად შეგნებულათ არღვევს კანონს. ამ შემთხვევაში მან გააუქმა ის საცოდავი მინიმუმიც კი რელიგიოზურ-ეროვნული უფლებებისა, რომელიც იურიდიულათ მაინც უზრუნველ ყოფილი იყო. დღევანდელი სისტემისაგან, ბატონებო, ჩვენ ეს არ გვიკვირს; ჩვენი ბიუროკრატია სავსეა ისეთი ვაჟბატონებით, რომლების ადგილი ან ბრალდებულთა სკამზე უნდა იყოს ან შესლილთა სახლში. ვაზეთები გადაჭრელებულია ცნობებით ავაზაკ „ჩინოვნიკებზე, ვნებათა ღელვით გატაცებულ გუბერნატორებზე... სატუსალოს გამგე-პედაგოგებზე და სხვა. მიუხედავად ამისა, მე ვიტყვი, რომ ისეთი ტიპის ყოლა სახალხო განათლების მი-

ნისტრათ, როგორც ბ. კასო, რუსეთისთვისაც კი სამარცხინოა.

თავმჯდომარე: ეს არ ეხება შეკითხვის სიჩქარეს, გთხოვთ ამას ნუ ეხებით.

ჩხენკელი. და თუ თქვენ უარს ყოფთ შეკითხვის სიჩქარეს, მაშინ თქვენც მონაწილე იქნებით თვით ამ სამარცხინო მოვლენის.

სიჩქარის წინააღმდეგ ლაპარაკობს მღვდელი **ოკოლოვიჩი**, რომელიც ილაშქრებს პოლონელ სამღვდლოების წინააღმდეგ და ცდილობს დაამტკიცოს, რომ მინისტრი თავის განკარგულებით ნებას აძლევს დასწავლებლებს ასწავლონ პოლონეთში ბავშვებს ბუნებრივ ენაზე: ბელორუსულზე, მალორუსულზე, ლიტვურზე, ესტონურზე და სხვა, ხოლო პოლონეთის კათოლიკე მღვდლებს სურთ ყველა ამათ სამღვთო სჯული ასწავლონ მხოლოდ პოლონურ ენაზე. ამ ნაირათ ამ შეკითხვის მიღება ნიშნავს ბელორუსების და სხვების გაპოლონელებითვის ხელის შეწყობას, ამიტომ მის სიჩქარის საჭიროებას მთელი ჩემი სულით და გულით ვეწინააღმდეგები. თუ გინდათ, რომ დასავლეთის მხრის რუსის ხალხი არ ჩაადგოთ საშინელ მწუხარებაში, მაშინ უნდა უარყოთ ამ შეკითხვის სიჩქარის საჭიროება, თვარა მისი მიღებით გამოწვეული ხალხის ცრემლები შურისძიების ღმერთს უხმობს (ტაშის ცემა მარჯვნივ)...

სიჩქარის საჭიროება უარყოფილ იქნა.

თავმჯდომარე: შემოვიდა განცხადება, რომლითაც წინადადებას იძლევიან, რომ შეკითხვა ორი კვირის ვადით გადაეცეს კომისიას განსახილველათ.

ამ კითხვაზე ლაპარაკობს დეპ. **სვენციცი** (ვილნოს გუბერ.) ბატონო სახელმწიფო დუმის წევრო. შეკითხვებზე, სოციალდემოკრატებმა არ მომცეს მე საშუალება სიჩქარის საჭიროების დამკველათ გამოსულიყავ. სოც.დემოკრატ. ფრაქციის მიერ შემოტანილი შეკითხვის მაგვარი შეკითხვა დუმამ 1912 წ. მარტში მოისმინა. მაშინ ის წარმოდგენილი იყო პოლონეთის კილოს მიერ.

ორატორი კარგა ხანს ლაპარაკობს, მარა ნაკლებათ უსმენენ მას.

თავმჯდომარე. კენჭს ვუყრით ვადის დანიშვნის საკითხის ხმის უმეტესობით დუმამ ვადის დანიშვნა მიიღო.

სხდომა 10 წამით შეწყდა.

სხდომა იხსნება 4 საათზე და 27 წუთზე თავ. **ურუსოვის** თავმჯდომარეობით.

თავმჯდომარე: განსახილველია სახელ. დუმის 30 წევრის (№ 13) შეკითხვა მთი იმპერატორებითი უდიდებულესობის კავკასიის მოადგილის და სახალხო განათლების მინისტრის მიმართ კავკასიის სამოსწავლო მთავრობის უკანონო მოქმედებათა გამო.

შეკითხვის სიჩქარეს იცავს ა. ჩხენკელი.

ბ.ბ. სახელმწიფო დუმის წევრო? საკითხი, რომელიც წამოყენებულია ს. დ. ფრაქციის შეკითხვაში, ფრიალ მნიშვნელოვანი საკითხია მთელი კავკასიისათვის. ის, რაც ქუთაისის გუბერნიის სახალხო სკოლების დირექტორმა ჩაიღინა, ლოდიკურათ გამომდინარეობს იმ საერთო სისტემიდან, რომელიც გაბატონებულია კავკასიის სამოსწავლო ოლქში. რუსეთის მთავრობა სამშობლო ენის დევნის საქმეში არ ზოგავს არც ქართველებს, არც მუსულმანებს და არც სომხებს. „ინოროდცების“ გარუსება—აი მთავრობის უმთავრესი მიზანი, და აქედან სრულიად ბუნებრივია ის, რომ მთავრობის პოლიტიკის ქვაკუთხედათ გამოცხადებულია სამშობლო ენის დევნა.

სამშობლო ენას სდევნიან ეკლესიებიდან, სასაპართლოებიდან, მაგრამ ყველაზე მეტი უბედურება თავს ატყდება სკოლებს. თავისი მიზნის მისახვევათ კავკასიის სამოსწავლო მთავრობა ხშირათ სცვლის თვით რუსული ენის სწავლების მეთოდსაც. ერთი ასეთი მეთოდთაგანია ეგრეთ წოდებული ამერიკული ან მუნჯური მეთოდი, რომელიც დიდი ხანია, რაც სასაცილოთ იქნა აგდებული. აღნიშნული მეთოდის მიხედვით სკოლაში ახლათ შემოსული ბავშვისათვის მასწავლებელს რუსული უნდა დაეწყებინებია. სიტყვების ან ცნებების დედა ენაზე ახსნა არ შეიძლება. ასეთი ახსნა—განმარტების მაგიერათ მასწავლებლებს უნდა მიემართათ შემდეგი საშვალებისათვის: ისინი მოწაფეებს თითოთ ანიშნებდენ სამოსწავლო ოთახში მოთავსებულ ნივთზე, ან სურათზე გამოსახულ საგანზე, რუსულათ იტყოდენ მათსახელს და შემდეგ მოწაფეებსაც გაამეორებდენ. მაგრამ როდესაც საქმე მიდგებოდა ცოცხალ არსებათა მოქმედებასა და მოძრაობაზე მასწავლებლები სხეულის მოძრაობით და ამათუ იმ მისაბაძი ხმის გამოცემით სცდილობდენ აეხსნათ ბავშვისათვის, რას აკეთებს საგანი, ან რა ემართება მას. ამ გვარ შემთხვევებში მასწავლებელს ხშირათ უხდებოდა იატაკზე ფოთხვა, კედლებზე პოტინი, ყუფა, კნავილი და ყიყინი. ხშირათ სულ უბრალო ცნებების ბავ-

შებისათვის გადასაცემათ მასწავლებლები ისეთ საშვალებებს მიმართავდენ ხოლმე, რომ მათზე ლაპარაკი უხერხულათ მიმაჩნია. აიღეთ ასეთი მარტივი ცნება: ქათამი სდებს კვერცხს. როგორ უნდა გადაეცა მასწავლებელს და გავგებინებია ბავშვისათვის ეს ცნება სამშობლო ენის დაუხმარებლათ? ამ ტრიბუნის პატივისცემის გამო მე არ შემიძლია ნათლათ წარმოგიდგინოთ საბუდარზე დამჯდარი საბრალო სოფლის მასწავლებელი. აი რას წარმოადგენდა რუსული ენის სწავლება ეგრეთ წოდებული ამერიკული მეთოდით. ამ მეთოდის წყალობით სკოლა საოხანდარო ადგილათ გადაიქცა, ხოლო მასწავლებელი კომედიანტათ. ტყუილაკი არ სწერდა კავკასიის ნამესტნიკი გრ. ვორონცოვ—დაშკოვი თავის უქვეშევრდომილეს მოხსენებაში 1907 წ.: „რომ რუსული ენის შეთვისების მაგიერ და მახე სწორათ წერა კითხვის შესწავლის ნაცვლათ გამოდის რაღაც გაუგებარი სიტყვებისა და წინადადებების უაზრო გახეზირება. ამავე დროს სასწავლო ენის უკოდინარობა ბავშებს სხვა რაიმე კოდნის შეძენის საშვალებასაც არ აძლევს სკოლაში.“ ჩვენი შეკითხვა კავკასიის სახალხო სკოლებში რუსული ენის სწავლებას შეეხება, მაგრამ არა მის მეთოდის, არამედ დროს, საიდანაც უნდა იწყებოდეს მისი სწავლება.

უნდა გავახსენოთ, ბატონებო, რომ კავკასიის სამოსწავლო ოლქის პოლიტიკანობა სკოლების საქმეში დიდი ხანია იწვევდა და ახლაც იწვევს უკმაყოფილებას ადგილობრივ მცხოვრებთა შორის. თვით მეფის მოადგილე თავის მოხსენებაში აღნიშნავს, რომ ამ საგნის შესახებ გამოწვეული უკმაყოფილება ხშირათ საშიშ მიმართულებას იღებდა და ამას შედეგათ ის მოყვა: „რომ ამიერ კავკასიაში სახალხო სკოლების უსარგებლოთ და საზარალოთაც მიაჩნიათ“. 1897 წ., როდესაც ხალხში დიდმა უკმაყოფილებამ იჩინა თავი სამშობლო ენის დევნის გამო, ქ. ქუთაისში მოიწვიეს სახალხო მასწავლებელთა კრება. რომელზედაც წამოაყენეს მოთხოვნილება, რომ სახალხო სკოლებში ყველა საგნების სწავლება სამშობლო ენაზე სწარმოებდეს. რუსულ ენას უნდა დათმობოდა სავალდებულო საგნის ალავი.

იმ დროს სამოსწავლო ოლქის მზრუნველი იანოვსკი იძულებული შეიქნა ეზრუნა ახალი სასწავლო გეგმის შედგენაზე. გეგმა შემუშავდა და 1880 წ. 12 დეკემბერს დასამტკიცებლათ წარედგინა მეფის მოადგილეს კავკა-

სიაში, დიდ თავადს მიხეილ ნიკოლოზის ძეს. სამოსწავლო ოლქის მზრუნველის მოხსენებაზე მეფის მოადგილემ შემდეგი რეზოლიუცია წააწერა: „მეფის მოადგილემ განსაკუთრებული სიამოვნებით წაიკითხა ოქმში მოთავსებული სასწავლო გეგმა პირველ დაწყებითი სკოლებისა ადგილობრივ მკვიდრთა შორის და სავსებით მოიწონა ეს გეგმა, როგორც მტკიცეთ შეთანხმებული საღ პედაგოგიურ მოთხოვნებებთან, და იმ შეხედულებებთან, რომელნიც ადგილობრივი სკოლებისთვის უმაღლესათ მოწონებული და მიღებული არის მეფის მოადგილეს მიერ.“ ეს სასწავლო გეგმა გრ. ვორონცოვ—დაშკოვმა 1905 წ. 29 სექტემბერს სახელმძღვანელოთ შემოიღო კავკასიის სახალხო სკოლებში. ხოლო 1907 წ. 1 ნოემბერს ეს სასწავლო გეგმა სხვა წესებთან ერთად, რომლებიც „ინოროდცების“ პირველ დაწყებით სკოლებს შეეხებოდა, უმაღლესი ბრძანების თანახმად დამტკიცებულ იქნა სახალხო განათლების მინისტრის მიერ.

1881 წ. სასწავლო გეგმა, დიდი მთავარის მტკიცების წინააღმდეგ, ძალიან შორს არის საღ პედაგოგიური მოსაზრებებისაგან და მით უმეტეს ეროვნულ მოთხოვნილებათა დაკმაყოფილებისაგან. მაგრამ ეს მცირემნიშვნელოვანი გეგმაც-კი ვერ მოუწელებიათ რუს ბიუროკრატებს, რომელნიც სახალხო განათლების საქმეს უდგანან სათავეში კავკასიაში.

აღნიშნული სასწავლო გეგმიდან მე მოვიყვან იმ ადგილს, რომელიც ასეთ შურს იწვევს სამოსწავლო მთავრობის ბოზოლა მოხელებში. „როდესაც მოწაფეები რამოდენიმეთ შეისწავლიან წერა-კითხვას სამშობლო ენაზე, ე. ი. დაახლოვებია სასწავლო წლის მეორე ნახევრის დასაწყისში, მათ უნდა დაიწყონ რუსული ენის ზეპირი შესწავლა. რუსული ენის სწავლება უნდა სწარმოებდეს ყოველ დღე ნახევარი ან $\frac{3}{4}$ საათის განმავლობაში და უნდა გაგრძელდეს სასწავლო წლის ბოლომდე. ბავშვებმა რუსულ ენაზე უნდა გაიციონ ის მასალა, რომელიც მათ უკვე შესწავლილი აქვთ დედენაზე, ე. ი. მათ ირგვლივ მყოფი საგნების სახელები, და აგრეთვე ის მასალა, რომელიც მოთავსებულია რუსულ პირველ საკითხავ წიგ-

ნში, აგრეთვე რუსული ანგარიში. ამ სახით, მეორე განყოფილებაში გადასულმა მოწაფემ უნდა იცოდეს დედაენაზე წერა-კითხვა, დედენაზე და რუსულ ენაზე 100-მდე ანგარიში, მარტივი ამოცანების გამოყვანა 1-დან-20-მდე, უნდა შეეძლოს სამღვთო ისტორიიდან უმთავრესი შემთხვევების მოყოლა სამშობლო ენაზე სურათებზე ჩვენებით და გაცნობილი უნდა იყოს რამოდენიმე რუსულ სიტყვას და წინადადებებს“.

ახლა მე გეკითხებით თქვენ, რას გვეუბნება ჩემგან წაკითხული ადგილი 1881 წ. სასწავლო გეგმისა? ის გვეუბნება, პირველ ყოვლისა, რომ სახალხო სკოლის პირველ განყოფილებაში რუსული ენის სწავლება უნდა იწყებოდეს სამოსწავლო წლის მეორე ნახევრიდან; მეორეთ მას, რომ რუსული ენის სწავლება უნდა სწარმოებდეს მხოლოდ ლექსიური გაკვეთილების შემწეობით. ასე რომ მეორე განყოფილებაში გადასულმა მოწაფემ უნდა იცოდეს რამოდენიმე რუსული სიტყვა და წინადადება- როგორ გამოიყენა ქუთაისის ღირეკციამ სასწავლო გეგმის ეს ნათელი და გადაჭრილი მოთხოვნილება?

1913 წლის დასაწყისში ის სახალხო სკოლების გამგეებს გაკვეთილების ახალ ნუსხას უგზავნის და ავალებს, რომ რუსული ენის სწავლება სამოსწავლო წლის პირველი ნახევრიდანვე დაიწყონ, იმ ანგარიშით, რომ მეორე განყოფილებაში გადასულ მოწაფეებს თავისუფლათ შეეძლოთ რუსული წერა კითხვა. ქუთაისის ღირეკციის მოთხოვნილება ანგარიშს არ უწევს არც სასწავლო გეგმას, არც პედაგოგის კანონებსა და არც საღ მოსაზრებას. გაუგებრობის თავიდან ასაცილებლათ უნდა მოგახსენოთ შემდეგი; ჩვენ ლაპარაკი გვაქვს არა რუსული ენის სწავლების შესახებ საერთოდ, არანედ ამ ენის უფრო რაციონალურათ შესწავლის შესახებ ქართველი ბავშვებისაგან. ჩვენ სავსებით ვიზიარებთ იმ შეხედულებას, რომ „ინოროდცების“ ბავშვებმა უნდა შეისწავლონ რუსული ენა, მაგრამ ამასთან ავე მოვითხოვთ, რომ ეს სწავლება ხდებოდეს თვით ბავშვების სასარგებლოთ, მათ სულიე-

და ფიზიკურ თვისებათა მხედველობაში მიღებული. არა პედაგოგისთვის არც ადვილი მოსახვედრია, თუ რა სიძნელეს წარმოადგენს „ინოროდცების“ ბავშვებისათვის უცხო ენის შესწავლა, როგორც არის მაგალითათ რუსული.

ამიტომ რუსული ენის სწავლება ისე უნდა სწარმოებდეს, რომ ბავშვის გონება არ დაზღუნდეს, რომ მოსწავლეებს საშვალეება ექნესთ ნორმალურათ განვითარდენ და ელემენტარული ცოდნა მიიღონ. ყველა თქვენგანმა კარგათ იცის. ბ. ბ., რომ საშვალეო სასწავლებლებში ახალ ენების სწავლება მოსამზადებელი კლასებიდან არ იწყება. მერე რატომ? იმიტომ, რომ პედაგოგიკის კანონებისა და სალი მოსახზრების თანახმად, სკოლაში ახლათ შესულ ბავშვებისათვის შეუძლებელია ასეთი უაზრო მოთხოვნები წაყენება. პირველათ მათ მშობლიურ ენაზე უნდა ივარჯიშონ, შეისწავლონ წერა-კითხვა, შეითვისონ მისი შემწეობით სხვა საგნებიც, და მხოლოდ შემდეგ, როდესაც ისინი საკმარისათ მომადრდებიან ფიზიკურათ და გონებრივ მუშაობასაც შეეჩვევიან, მათ ისე აღარ გაუჭირდებათ უცხო ენების შესწავლა. „ინოროდცების“ ბავშვებისათვის ხომ რუსული იგივე უცხო ენაა, რატომ მოითხოვენ მათგან იმას, რასაც საშვალეო სასწავლებელში მოსწავლე რუს ბავშვებს არ სთხოვენ? მაგრამ კავკასიის სამოსწავლო ოლქისათვის ასეთი კითხვების დაყენება—ღია კარების მტკრევა იქნებოდა. კავკასიის სამოსწავლო მთავრობას ერთად ერთი მიზანი აქვს დასახული, ეს არის ადგილობრივ მკვიდრთა გარუსება და ამ მიზნის მისაღწევათ ის არავითარ საშვალეებას არ ერიდება, არ იბრალებს ჩვილ ბავშვებსაც და ამახინჯებს მათ სპეტაკ სულს, აჩლუნგებს მათ ნიქს.

თქვენ ისიც კარგათ მოგეხსენებათ, რომ 7—8 წლის ბავშვების გულის-ყურის დაქანცვა არ შეიძლება გაკვეთილების უზომო რიცხვით. მე მაგალითისათვის ავიღებ გაკვეთილების ორ ნუსხას. ერთი მათგანი შედგენილია 1881 წ. სასწავლო გეგმის თანახმათ, ხოლო მეორე ახალი, ამ გეგმის წინააღმდეგ. პირველ შემთხვევაში გაკვეთილების რიცხვი პირველი განყოფილებისათვის სამოსწავლო წლის პირველ ნახევარში უდრის 20-ს კვირაში, ხოლო მეორე ნუსხის მიხედვით, ვინაიდან ამ ნუსხაში რუსული ენაც არის ჩატანილი, გაკვეთილების რიცხვი უდრის 25-ს. ეს კიდევ ცოტაა. პირველი ნუსხის თანახმად მოწაფეებს მხოლოდ კვირაში ორჯერ აქვთ ოთხ-ოთხი გაკვეთილი,

დანარჩენ დღეებში-კი სამ-სამი გაკვეთილი აქვთ. ახალი ნუსხის ძალით კვირაში ერთ დღეს იქნება ხუთი გაკვეთილი, ხოლო დანარჩენ დღეებში ოთხ-ოთხი. ჩემის აზრით, დირექციის ასეთი საქციელი ბავშვების აღზრდის წმინდა საქმის საცინლათ აგდებაა და მეტი არაფერი.

მესამე სახ. დუმის მოქმედებიდან მე თქვენ მოგაგონებთ ერთ მნიშვნელოვან ფაქტს. მან განიხილა და მიიღო კანონპროექტი პირველ დაწყებით სკოლების შესახებ. კანონპროექტი აღიარებს სამშობლო ენაზე სწავლების საჭიროებას პირველ დაწყებითი სკოლებში. შემდეგ ეს კანონპროექტი სახელმწიფო საბჭოში მოხვდა და იქ გაიხიბრა უძრავათ. მაგრამ მე მსურს თქვენი ყურადღება მივაპყრა იმას, თუ როგორი პოზიცია ექირა სახალხო განათლების მინისტრს აღნიშნული კანონპროექტის შეტანის დროს იმ საკითხის შესახებ, რომელიც ჩვენ გვინტერესებს. აი რას ვკითხულობთ ჩვენ ამ კანონპროექტში: „ინოროდცების“ სკოლებში რუსული ენის სწავლებას უნდა შეუდგენ პირველი სამოსწავლო წლის სამი თვის გასვლის შემდეგ.“ ამგვარათ, თვით ბ. კასოც კი, ეს არა რუსი ბურჯი რუს ნაციონალისტებისა, უაზროთ და შეუფერებლათ სთვლიდა რუსული ენის სწავლების დაწყებას „ინოროდცების“ ბავშვებისათვის მათი სკოლაში შესვლის დღიდან. ის პირდაპირ ამბობს: „რუსული ენის სწავლება უნდა იწყებოდეს სამი თვის შემდგომ.“

კავკასიის სამოსწავლო ოლქისათვის არ არსებობს არც კანონი, არც სალი მოსახზრება, არც შებრალება. ის ფეხ ქვეშ სთელავს ყველაფერს. 1881 წ. სასწავლო გეგმა მან კანონს გარეშე გამოაცხადა, თავისი შოვნის-სტურა სულისკვეთება კი კანონიერების მანტიაში გახვია. მიუხედავათ იმისა, რომ მეფის მოადგილეს გრ. ვორონცოვ-დაშკოვს თვისი რეზიდენცია ამ ჟამათაც თფილისში აქვს, მანაც არ მიაქცია სათანადო ყურადღება მისგანვე მოწონებული სასწავლო გეგმის დარღვევას.

მესამე სახ. დუმაში შემარჯვენე დებუტატებმა შეიტანეს ეგრეთ წოდებული კავკასიის, ან უკეთ რომ ვსთქვათ დემაგოგიური შეკითხვა. შეკითხვაში ისინი ლაპარაკობდენ კავკასიის ნამესტნიკის უმოქმედობის შესახებ რვეოლიუციონური მოძრაობის ჩაქრობის საქმეში. ამ შეკითხვის განხილვის დროს კავკასიის აღმინისტრაციის მოქმედებიდან ისეთი დაუჯერე

ბელი ამბები გამოიმყლავნდა, რომლის წინაშე არაფრათ არ გეჩვენებათ ყოველივე ის, რაც რუსეთის ცენტრში მოხდა. ცეცხლითა და მამახვილით განადგურება სოფლებისა და ქალაქებისა, გლეხების სარჩო-საბადებლის დაწვა-გატაცება, სახრჩობელები, გაუპატიურება, სკოლებისა და სამკითხველოების თავლებით გადაქცევა, — აი კავკასიის ადმინისტრაციის უმოქმედობა! განა ვისაკვირელია ამას შემდეგ, რომ გულ-კეთილი გრ. ვორონცოვ—დაშკოვი, როგორც მას ზოგიერთები ადიდებენ, იმავე დენაციონილიზაციის ნაქმეხსაქმეს, მე კი ვიტყვოდი, კავკასიის დეცივილიზაციის საქმეს ემსახურება?!

ჩვენ, შეკითხვის ავტორები, მოვითხოვთ, მის სიჩქარით განხილვას. აქ ადგილი არ აქვს ფორმალური ხასიათის საწინააღმდეგო მოსახზრებას. სახალხო სკოლების დირექტორის ბ. კრუპენსკის, ე. ი. უკაცრავათ, კრუპსკის მიერ მიღებულმა ზომებმა მთელ ქუთაისისის გუბერნიაში საშინელი აღშფოთება და სასტიკი გაგაკიცხვა გამოიწვია. ქალაქის თვითმართველობებმა ცი, რომელიც ძალიან ძვირათ გამოდიან პროტესტანტების როლში, ხმა აღიმალღეს და განსაკუთრებულ დადგენილებებში დაემგეს ადგილობრივი სამოსწავლო მთავრობის უკანონო განკარგულება. ამ განკარგულებას სასტიკათ წინააღმდეგაქ პართველი დემოკრატიაც, რომლის წინააღმდეგაც უმთავრესათ მიმართული იყო დირექციის მოქმედება. ამას გარდა, ჩვენ მივიღეთ მრავალი საპროტესტო წერილი ქუთაისის გუბერნიის სახალხო სკოლების მასწავლებელთაგან კრუპსკის მოქმედების წინააღმდეგ. ჩვენ მოვითხოვთ ჩვენი შეკითხვის სისწრაფით განხილვას, რათა ბ. ბ. კრუპსკებმა და რუდოლფებმა იცოდნენ, რომ კარიერის გაკეთება მათ, როგორც რუსეთის ბიუროკრატებს, შეუძლიათ, მაგრამ ძალიან სახიფათოა მათთვის მთელი ხალხის ეროვნული ღირსების ასე უდიერათ შებღალვა (მარცხნით ტაშის ცემა).

შეკითხვის სიჩქარის წინააღმდეგ არავინაა, სიჩქარეს იცავს ნ. ჩხეიძე:

მარკოვი მეორე (ადგილიდან): ჩხეიძე ფურო სინტერესოა, ინებეთ გეთაყვა.

ჩხეიძე: მე მზათა ვარ, ბატონებო, რომ თქვენი ყურადღება დავიმსახურო.

ბატონო სახელმწიფო დუმის წევრო! ჩვენ ჩვენი შეკითხვა, როგორც თქვენც გეხსამებათ, 21 იანვარს შემოვიტანეთ, ხოლო

25 იანვარს, როგორც იცით, აი ამ ტრიბუნაზე გაჩნდა ბ. კასო და მოგვცა თავისი განმარტება თქვენ მიერ წაყენებულ კითხვაზე. თქვენ მაშინ გაიგეთ, თუ რა ყოფაშია რუსული კულტურის, რუსული განათლების რუსული სკოლის საქმე. თქვენ თითონ თქვენ თავზე გამოცადეთ, ბატონებო, თუ რა დამშვიდება შეუძლია ბ. კასოს სიტყვას ან თქვენი ან საზოგადოების. ასე რომ, სწორე რო ვთქვათ, ამის შემდეგ შემიძლია დამშვიდებული ვიყო შესახებ იმისა, თუ რა ხდება იქ, კავკასიაში.

თუ თქვენ სახეში მიიღებთ, რომ რუსეთის ცენტრში, რუსული განათლების შუაგულ ალაგას აღზრდის საუკეთესო წესათ აღიარებულია ჯამუშობა, შვილების მშობლებისაგან მამებზრობა, ბავშვების საპოლიცია სამართველოებში თრევა და სხვა და სხვა, მაშინ ადვილათ წარმოიდგენთ, თუ რა მდგომარეობაში იქნება აღზრდის საქმე განაპირა ქვეყნებში, მაგალითათ ჩვენში, კავკასიაში. მარა, რაკი შეკითხვა უკვე შემოტანილი გვაქვს, ჩვენ მაინც გვსურდა გვეცნობებია თქვენთვის ზოგი ფაქტი, რომლებიც ნათლათ გვიჩვენებენ სკოლის მდგომარეობას კავკასიაში; და ეს მით უფრო, რომ იმ მცირე ამბავს, რომელიც ჩვენს შეკითხვაში არის მოთხრობილი, მოყვა სკოლისთვის საბედისწერო შედეგები.

შედეგათ მოყვა აი რა: დაუწყეს დევნა სახალხო მასწავლებლებს. მე უკვე ცნობები მაქვს მიღებული, რომ ადგილიდან დათხოვნილი არიან შემდეგი მასწავლებელნი: ბათუმის ოლქის მასწავლებელი გვარათ ჩახვაძე, შემოქმედის სკოლის ზედამხედველი ჩხატარაიშვილი, რომელსაც 19 წელიწადი უმსახურნა; იმავე სკოლის მასწავლებელი გორდულაძე, აცანის სკოლის ზედამხედველი ინწკირველი, რომელსაც 15 წელიწადი უმსახურია და მესამე მასწავლებელი იმავე აცანის სასწავლებლისა, მაჭავარიანი; აცანის ქალთა სკოლის მართველი ეკ. ქუთათელაძე; მეორე მასწავლებელი ქალი ლუბა პაპკოვისა, ამალღების სკოლის ზედამხედველი მანთიძე, შუა ამალღების სკოლის მასწავლებელი სიხარულიძე, ბასილეთის სკოლისა-ლომთათიძე, ხულისის სასწავლებლის ზედამხედველი შაბახაზოვი; მასწავლებელი გორგაძე, რომელიც სამ სახალხო სკოლაში ნამსახურია; და მერე ვინ დააყენეს ამათ ადგილზე? ნება მიბოძეთ გამოვაქცევნო თფილისის გუბერნიის დ. მცხეთიდან გამოგზავნი-

ლი ცნობა, რომ იქ, სადაც ბავშვებს მხოლოდ ქართული ენა ესმით, ამა წლის სექტემბრიდან დანიშნულია მასწავლებლათ პეტერბურგის საერობო სამასწავლებლო ხუთ კლასიანი სასწავლებლის კურს დასრულებული ქალი, გვართ მასლოვისა, რომელმაც სრულიათ არ იცის სხვა ენა, გარდა რუსულისა. როგორც ხედავთ, მასწავლებლების ნაცვლათ, რომელთაც რამდენიმე ათეული წელიწადი უმსახურნიათ, გზავნიან სოფელში ისეთ პირს, რომელმაც ქართული ერთი სიტყვაც არ იცის, ბავშვებს კი რუსულის არაფერი ეყურებათ. აი ვის გზავნიან მასწავლებლათ სოფელში, ვის ავალებენ შეასრულოს ეს ხალხის მასწავლებლის მძიმე საქმე პირველ დაწყებითი სკოლაში.... (ხმები მარჯვნივ: ეს კანონიერია.... ეს კანონიერია). და სწორეთ ამ კანონიერების შესახებ გვინდა ჩვენ ვილაპარაკოთ!

ახლა ნება მიბოძეთ გვიამბოთ, თუ პედაგოგების რანაირი ტიპები იწვრთვებიან საქმეთა ამგვარ ვითარების პროცესში. ნება მომეცით, დავისურათოთ ერთი მეტათ ტიპიური პედაგოგის, გვართ ტერ-გასპარიანცის ხასიათი. მისი დახასიათება ეკუთვნის თვითონ მისსავე უფროსს, ქუთაისის, გუბერნიის სახალხო სკოლების დირექტორს, ბ. კრუპსკის. ბ. გასპარიანცის მუდმივმა ყალბმა და მოუფიქრებელმა მოპყრობამ მასწავლებლებისადმი იქამდე მიიყვანა საქმე, ამბობს თავის „რაპორტში“ ბ. კრუპსკი, რომ მან მოსწავლეთა თვალში დაკარგა ყოველივე ნდობა და თავის თავისადმი მთელი ქართველი საზოგადოების მტრობა გამოიწვია. საიდან და რა წრიდან აღგენდა ბ. გასპარიანცი სახალხო მასწავლებლთა კრებულს, ეს სჩანს შემდეგი მაგალითიდან: ბ. ტერ-გასპარიანცმა მასწავლებლათ მიიწვია ყოფილი სოფლის „მწერალი“, ვილაც გორგიძე, კაცი, რომელიც სამსახურიდან პასპორტების ვაჭრობისათვის იყო დათხოვილი და აი, ასეთ კაცს დიდ მფარველობას უწევს ბ. ტერ-გასპარიანცი: ჯერ ის თავის „კანცელარიაში“ მიიწვია მწერლათ, თუმცა, როგორც თითონვე ტერ-გასპარიანცი ამბობს, გორგიძე ამ საქმისთვის არ ვარგოდა, რადგან მას ცუდი ხელი (პოჩერკი) აღმოაჩნდა. მერე კი მთელი სკოლის სვე-ბედი მას მიანდო. აი ასე ახასიათებს ტერ-გასპარიანცს მისივე უფროსი, როცა მან მთელ საზოგადოებაში თავისი მოქმედებით დიდი უკმაყოფილება გამოიწვია. რას წარმოადგენს თითონ ბ. კრუპსკი? ამ კით-

ხვაზე აი რას ენახულობთ ერთ-ერთ ადგილობრივ გაზეთში: „სახალხო სკოლების დირექტორი კრუპსკი თავის ოფიციალურ ქაღალდში სახალხო სკოლების ინსპექტორს თანამდებობის შესრულების დროს ჩადენილ დანაშაულობას აბრალებს, რომელიც ნაგულისხმევია სასჯელთა დებულების 362, 332, და 515 სტატიებით. აგერ რამდენიმე თვე გადის, რაც ყველაფერი ეს ბრალთ ედება ტერ-გასპარიანცს.“

მარა თითონ ბ. კრუპსკი სასჯელთა დებს ბულების 404, 405 სტატიის ძალით არიპასუხისმგებელი, ვინაიდან მას ძალიან ზერელეთ უდევნებია თვალყური თავისი ხელქვეითი მოხელის, ბ. ტერ-გასპარიანცის მოქმედებისათვის“. მაშ ასე, ბატონებო, თუ თქვენ ყველა ამ ამბებს მხედველობაში მიიღებთ, მიიღებთ სახეში აგრეთვე სახალხო განათლების მინისტრის ამავე ტრიბუნიდან წარმოთქმულ განცხადებას, რომ კრიტიკულ მომენტში საშველათ პოლიციას უნდა მიემართოთ, მეორე მხრით მოვიგონებთ ტერ-გასპარიანცის მოღვაწეობას, რომ მან მასწავლებლათ პოლიციის და „ოხრანის“ ყოფილი მოსამსახურე დააყენა, კაცი, რომელიც წინათ სოფლის სამართველოში „მწერალი“ იყო და მერე ქალაქში ნამდვილი პოლიციის მოხელე გახდა; და აი ყველა ამამებს როცა გაითვალისწინებთ, თქვენ ნათლათ შენიშნავთ, რომ კავკასიაში ძალიან კარგათ ესმით ბ. კასოს დირექტივები და შეიძლება ითქვას, რომ კავკასიაში მისი ხელქვეითები კიდევ უსწრებენ წინ მას. რატომ? იმიტომ, რომ, რაკი საშველათ, მეტი გზა არაა, პოლიციას უნდა მიმართონ, უმჯობესათ სცნობენ თითონვე აირჩიონ პოლიციის მწერალი და მასწავლებლებათ გაგზავნონ სკოლაში, ვიდრე სკოლები და ბავშვები პოლიციაში მირეკონ, როგორც ამას ბ. კასო ჩადის.

მარა, რაკი საქმე ასეა დაყენებული, საჭიროა ვიკოდეთ, თუ რა აქვთ სახეში, რა მიზანს ემსახურება ასეთი პოლიტიკა კავკასიაში და რას წარმოადგენს თვით ის სამოსწავლო გეგმა, რომელსაც აქ შეეხო და რაზედაც თქვენ გელაპარაკათ ჩემი ფრაქციული ამხანაგი ჩხენკელი. ბატონებო! ამ სამოსწავლო პლანში არაფერია იმაზე მეტი, რომ ბავშვებს ქართულ სკოლებში პირველი სამოსწავლო წლის დასაწყისში ქართულ ენაზე ასწავლონ, ხოლო წლის მეორე ნახევრიდან დაიწყონ რუ-

სულის სწავლება. ეს არის და ეს ამ სამოსწავლო გეგმის მთელი რევოლუციონერობა! თქვენ ხედავთ, მგონია რომ აქ თქვენ მიერ აღიარებულ სამ ნაწილიან ფორმულას არა ევნება რა: ის ვერ ავნებს ვერც მართლმადიდებლობას, ვერც თვითმპყრობელობას და ვერც რუსეთის განუყოფლობას; ვინაიდან, თქვენ უნდა იცოდეთ, ქართული ენა, ეს ის ენაა, რომელზედაც სანაზრება გადათარგმნეს მეოთხე საუკუნეში, ე. ი. იმ დროს, როცა ბევრი თქვენგანის, ბატონ ნაციონალისტების, წინაპრები ტყვე დაღვებოდნენ (იციინიან მარჯვენით). რაც შეეხება თვითმპყრობელობას მე თქვენ მოგახსენეთ, რომ ქართველობამ, ყოველ შემთხვევაში მისმა მთავრობამ მაინც, რომლის ხელში იყო ერთ დროს მისი ბედ-იღბალი, გადასკა საქართველო რუსის მეფეებს. მაშასადამე, საიდანაც უნდა მოეუაროთ ქართულ ენას, აქ მის წინააღმდეგ ყოველნაირი ამხედრება სწორეთ რომ ყოველათ უსაფუძვლო იქნება.... (ხმაურობა მარჯვენით). ჰო, თქვენ იტყვიან, რომ ეს ყველაფერი იყო მაშინ, საქართველოს რუსეთთან შეერთება დიდი ხანია რაც მოხდა და მართლმადიდებლობისათვის ქართველები მართლაც იბრძოდნენ ოდესღაც და სხვა და სხვა, ერთი სიტყვით „დროება“ გამოიცივალათ. (ხმაურობა მარჯვენით). დიხ, სრული სიმართლეა, დროება მართლაც რომ გამოიცივალა: ახლა ქართველობა იქ აღარ ეძებს ხსნას, სადაც ოდესღაც ეძებდა იგი. მარა საქმე იმაშია, რომ ქართულ ენას იმ დროსაც დევნიდნენ, როცა ქართველი ხალხის არც რევოლუციონერობა, არც სხვა რომ ასეთი საშიში არა ისმოდა რა, მაშინ როდესაც პოლიტიკანობას, შოვინიზმს და გარუსების პოლიტიკას კავკასიაში 1905 წლამდისაც აწარმოებდნენ, როცა რევოლუცია ჯერ კიდევ არავის გაეგონა. ამის დასამტკიცებლათ მე წარმოგიდგინებ ოფიციალურ საბუთს. აი რა სწერია ამ ოფიციალურ საბუთში: „წინა ნამესტიკობის დროს სამშობლო ენაზე სწავლება არა თუ მარტო დაბალ სკოლებში იყო, არამედ საშუალო სასწავლებლებშიაც სწარმოებდა. და მერე ეს ხელს უწყობდა არა მარტო კავკასიის მცხოვრებთა გონების საღ და სწორ განვითარებას, არამედ მათში სახელმწიფო ენის განმტკიცებასაც უფრო შესაძლოთ ხდიდა, რაც, თუმცა ნელი ნაბიჯით, მარა მტკიცეთ სული უფრო და უფრო ვრცელდება მხარეში. მკვიდრნი გრძნობდნენ რუსული ენის საჭიროებას და თითონვე ეტანებოდნენ მას. ბევრმა ქართველმა და სომეხმა, რაკი არ სჭირდე-

ბოდ სულ ერთიანათ მიივიწყა სამშობლო ენა. ასეთ პირთა რიცხვი, განსაკუთრებით თფილისში მრავალია. მე-70 წლებში თფილისის გიმნაზიაში სომხის მღვდელი იძულებული იყო სამღვთო სჯული სწავლება ბავშვებისათვის რუსულ ენაზე, რადგანაც მოსწავლეებს სომხური არ ესმოდათ; ქართველები ხომ როგორც ერთ მორწმუნე ხალხი, კიდევ უფრო ჩქარა შეუსისხლბორცდნენ რუსებს: მაშინდელი ქართველი მწერლები არა თუ რუსის მწერლობის გავლენის ქვეშ თხზავდნენ თავის ნაწარმოებთ, არამედ პირდაპირ რუსულ ენაზე აზროვნებდნენ და მერე ეს ნაფიქრ — ნააზრები სამშობლო ენაზე გადაქონდათ. ასე იყო საქმე წინათ. მაგრამ მე-80 წლებში, სწერია აქვე, სასკოლო პოლიტიკამ კავკასიაში ბრძოლა გამოუტახა ადგილობრივ ენებს. მე თქვენ გკითხავთ: რათ დასჭირდათ ეს ბრძოლა? როგორც ოფიციალურ საბუთიდან ახლახან გაიგონეთ, ბატონებო, საბრძოლველი აქ არაფერი იყო, მარა უნდოდათ შეექმნათ ასეთი ბრძოლის ატმოსფერა მაინც, პოლიტიკანობა, რასაც ასე რიგიანათ უარყოფდნენ ამ ტრიბუნიდან სწორეთ იმ მიზნით, რომ შექმნან ატმოსფერა სკოლებში პოლიტიკანობის შესატანათ.

ამის შემდეგ თქვენ თითონ შეგიძლიათ განსაჯოთ ამ პირების გულწრფელობა, რა შედეგი უნდა მიგველო ასეთი პოლიტიკიდან? აი ამის პასუხი ისევ ოფიციალურ დოკუმენტიდან. დაეტყო რა ამ პოლიტიკის გავლენა დაბალ სკოლების მოსწავლეთა გონებრივ დაქვეითება, მან იმავე დროს დაბადა მიზეზი, წინათ რომ არავინ ყურადღებას არ აქცევდა, ახლა ადგილობრივმა ენებმა ყველას ყურადღება მიიპყრო და მისი შესწავლა, მისი ცოდნა ყველასათვის ნაციონალურ სიამაყეთ და თავმოყვარეობის საგნათ გახდა. აი, მოწყალეო ხელმწიფენო, სანამდე მიგვიყვანა ხსენებულმა პოლიტიკანობამ, რომელსაც დღესაც ვრცლად აწარმოებენ ჩვენში და რომელსაც ადგილი არ უნდა ჰქონდეს იქ, სადაც არავითარ პოლიტიკას საზოგადოთ ადგილი არა აქვს.

ჩვენც ისე, ბრძანა სახალხო განათლების მინისტრმა, როგორც ვიტყვით გიმნაზიის მოსწავლენი შორს ვდგავართ ნადსონზე მარა ამის შემდეგ რითი არა ვართ დაახლოვებული აღზრდის ქემმარტ პედაგოგიურ წესებთან, თუ სკოლა, როგორცის დაყენებულია კავკასიაში,

ნიქს უხშობს და გონებას უჩლოუნგებს მოსწავლეებს?!

სახალხო განათლების მინისტრმა სხვათა შორის „ღრმა ნორმალურ მუშაობის“ შესახებაც ილაპარაკა. მართლაც და რითი არაა ღრმა—შეწყობილი ის „პედაგოგიური“ მუშაობა“ კავკასიის სკოლებში, რომელმაც საქმე იქამდე მიიყვანა, რომ ადგილობრივი მცხოვრებნი უარყოფით და მტრული თვალთ უყურებენ სახალხო სკოლას?

თქვენ, ბატონებო, იგივე მინისტრი გაზინებდათ იმით, რომ თითქოს სკოლა რევოლუციის ბინაკათ გამხდარიყოს; მინისტრმა აღნიშნა, რომ სოციალდემოკრატიის გავლენა დიდია სკოლებში და სხვა და სხვა. ჩვენ კი გულახდილით ვაცხადებთ, რომ სკოლაშიაც, ეკლესიაშიაც და ყაზარმებშიაც, ლეგალურათაც და არა ლეგალურათაც, სადაც უნდა ვიყოთ, ჩვენ სოციალ—დემოკრატები როგორც ყველგან, ის კავკასიაშიაც მთელ ჩვენი ენერგიით შევებრძოლებით გამარუსებელ პოლიტიკას, რა ფორმაშიაც უნდა გამოცხადდეს ის, ვინაიდან ეს გამარუსებელი პოლიტიკა ერთი მუხლთაგინია იმ შავრაზმულ პოლიტიკისა, რომლითაც დღეს რუსეთის მთავრობა სულდგმულობს, და ახლა ჩვენ წინადადებას ვაძლევთ ყველას; ვისაც კი ეს პოლიტიკა არ მოსწონს და უარყოფს მას, მიიღოს ჩვენი შეკითხვა. ამით თქვენ იტყვიან, რომ სახალხო განათლების სამინისტროს პოლიტიკას ყველგან, როგორც რუსეთის ცენტრალურ ადგილებში, ისე ყველა მის განაპირა მხარეებში, სასტიკი წინააღმდეგობა უნდაგაუწიოს ყველამ, ვისაც კი სიცოცხლის ძალა შესწევს და ეს პროტესტი უნდა გამოაშკარავდეს, როგორც სახელმწიფოს სხვა და სხვა კუთხეებში, ისე სახელმწიფო ღუმეშიაც! (ტაში მარცხნით)

თავმჯდომარე. კამათი დასრულებულია. კენჭს ვუყრი ამ შეკითხვის სიჩქარის საჭიროებას. სიჩქარის მომხრეა 94, წინააღმდეგი 194. ამავე საგნის შესახებ 43 პირისგან ხელმოწერილი შემოვიდა შემდგი განცხადება: „ჩვენ ქვემოთ ხელის მომწერნი ვთხოულობთ თუ შეკითხვის სიჩქარის საჭიროება უარყოფილ იქნება, დაენიშნოს შეკითხვათა კომისიას ორი კვირის ვადა, რომ წარმოადგინოს ამ კითხვის შესახებ ღუმეში შესაფერი მოხსენება. პირველი ხელს აწერს

თავ. გელოვანი.
თავ. გელოვანი (ქუთაისის გუბერ.): იმ ვიათი შემთხვევა, რომ შემკითხველნი ისეთ

ბედნიერ მდგომარეობაში იყვნენ, როგორც ახლა მე, იმის გამო, რომ ყოველივე, რასაც მე ახლა თქვენ მოგახსენებთ, ოფიციალურათ არის დასაბუთებული და მე ვფიქრობ, რომ ბ.ბ. შემარჯუნები, რომლებიც მუდამ იმას გვიკეთებენ, რომ ცნობები შემოწმებული არ არიან, შესაძლოა ის შემცდარი იყვეს და ამიტომ უნდა უარვყოთ, როგორც სიჩქარის საჭიროება, ისე მისი ვადის დანიშვნა, ამ შემთხვევაში იძულებული იქნებიან ჩაჩუმდნენ, რადგანაც, ვიმეორებ ყველა ჩემი ცნობები ოფიციალურია და მათი სისწორე ყოველ ექვს გარეშეა. და აი ამ მოსაზრებებით (მარჯვნივ ხმაურობაა.) ნება მომეცით, მე მინდა ვილაპარაკო აქ, უფლება მაქვს და თქვენი (მიმართავს შემარჯუნებს) შენიშვნა აქ სრულიათ უალაგაა. მე მინდა მიგიითითოთ ამ შეკითხვის არა მარტო იმ მხარეებზე, რომელზეც ჩემმა თანამემამულეებმა ილიპარაკეს, არამედ სულ სხვა მხარეზე. ეს შეკითხვა თავისი შინაარსით ორ ნაწილათ გაიყოფება: ერთ ნაწილს მხედველობაში აქვს სამოსწავლო ადმინისტრაციის დამოკიდებულება პირველ დაწყებითი სკოლებთან და 1881 წლ. კანონთან, ხოლო მეორეს საგნათ აქვს იმავე დირექციის დამოკიდებულება თვითმართველობასთან. მე ვფიქრობ, რომ საზოგადოებრივ თვითმართველობის წარმომადგენელთათვის ინტერესს მოკლებული არ უნდა იყოს იმის გაგება, თუ როგორ ეპყრობიან ბ. კასოს ხელქვეითები სწორეთ ამ საზოგადოებრივ თვითმართველობებს.

როცა დეკემბერში სახალხო განათლების მინისტრის კასოს უფროსობით რუსის სახელმწიფოს უსაშინელესი მტრის, საშუალო სკოლების წინააღმდეგ გაილაშქრეს, მაშინ ადგილობრივ სამოსწავლო მთავრობას იმაზე უკეთესი სარბიელი აღარა დარჩენოდა რა, რომ აქაური პოლიტიკა იქ ადგილობრივ, პირველ დაწყებითი სკოლებზე გადაეტანა. და მართლაც, ბატონებო, კასოს სამინისტროს უწყების მდგომარეობა ადგილობრივათ, განსაკუთრებით განაპირა კუთხეებში, იმდენათ უკეთესი და ხელსაყრელია, რომ ერთი სრულით შეიძლება ორი კურდღელი მოკლან: საბაბი უძლევათ გაილაშქრონ სახელმწიფო მტრის წინააღმდეგ, საშუალო სკოლის სახით თუ ვერა, დაბალი სასწავლებლების მოსწავლეთა წინააღმდეგ მაინც და მასთან ერთათ ნაციონალური მტრობა-შუღლის ვამოწვევას ხელი შეუწყონ. ვიმეორებ, რომ აქ კასოს უწყებას დიდი,

ვრცელი ასპარეზი ეძლევა თავის ნებაზე სა-
მოქმედოთ და მისმა ხელქვეითებმა კიდევ
ისარგებლეს ამით, როგორც მათ სულსა და
გულს უნდოდა. სასწავლებლების წინააღმდეგ
გალაშქრება ქუთაისის გუბერნიის სახალხო
სკოლების დირექტორის, ბ. კრუპსკის შუა-
ნიშნავ წერილით იწყება, რომელიც მან 1912
წ. 17 ნოემბერს ქალაქის საზოგადო თვით-
მართველობას გაუგზავნა ოფიციალურათ №
ით. არ შემოიძლია არ მოვიყვანო აქ ამ
წერილის დასაწყისი მაინც, რომ ნათლათ გა-
ჩვენოთ, თუ როგორ უდიერათ იხსენებს, რა-
გორ კილოზე სწერს ბ. სახალხო სკოლების
დირექტორი ქალაქის თვითმართველობას; ეს
სწერს ქ. ქუთაისის პირველ დაწყებითი სკო-
ლასთან დირექციის დამოკიდებულების შესახებ
„ჩემ მოვალეობათ მიმაჩნია თქვენდა საყუ-
რადლებოთ გაცნობოთ, რომ არც ქალაქის გამ-
გეობამ და არც მასთან დაარსებულმა საშუა-
ლო კომისიამ საკმაოთ არ იცის, თუ რა კა-
ნონები მოქმედებენ ხსენებულ უწყებაში, რომ
მოწესრიგებულ იყოს სამოსწავლო მთავრობა-
სა და საზოგადო-თვითმართველობას შორის
საურთიერთო დამოკიდებულება“, და თავისი
მედიდარი გაცხადების დასამტკიცებლათ, რომ
ასეთი დამოკიდებულებანი არსად და არაა
დეს არ ყოფილა, ის სახალხო განათლ
მინისტრის რალაც, არავისთვის ჯერ არ გა-
გონილ, განკარგულებებზე უთითებს, მაგრამ
როცა თქვენ ამ განკარგულებებს უმართებუ-
ლეს სენატის დადგენილებას შეუდარებთ, იმ
დასკვნამდე მიხვალთ, რომ ბ. დირექტორი
განზრახ გვერდს უხვევს სიმართლეს და რაზე-
დაც ის ქალაქის თვითმართველობას სწერს.
იმ კითხვებზე სენატს მისი წერილის წინააღ-
მდეგ აზრი აქვს გამოთქმული. ვფიქრობ, რომ
სახელმწიფო დუმის ვერც ერთ სავარძლიდან
ვერავინ იტყვის იმას, რომ რომელიმე სამინი-
სტროს წარმომადგენელს უფლება ჰქონდეს
ოფიციალურ ქალაქში ტყუილები სწეროს.
გადავიდეთ ახლა სახალხო განათლების სა-
მინისტროს მოხელეების პირველ დაწყებითი
სკოლებთან დამოკიდებულებაზე. ბ. დირექ-
ტორს და მის თანაშემწეს რომ შეეკითხენ.
თუ რა საბუთით აუქმებენ ისინი თავისი ცირ-
კულიარებით კავკასიის ორი ნამესტნიკისგან
უკვე მოწონებულს და 1881 წელს დამტკი-
ცებულ კანონს, იმათ მიუთითეს სახალხო
სკოლების დირექციისა და ისპექციის სიეზზე,
რომელიც მათ 1912 წ. ქ. ბორჯომში მოუხ-
დენიათ და რომელსაც მათი ცირკულიარების

მსგავსი რეზოლიუცია გამოუტანია. მარა მე
გარწმუნებთ, რომ ბ. კრუპსკი აქაც არ ამ-
ბობს სიმართლეს. ჯერ ძალიან ძნელი წარმო-
სადგენია, რომ ვინმემ იფიქროს, თითქოს ამა
თუ იმ უწყების წარმომადგენელთა სიეზდს
(ატყდება ხმაურობა. ხმები: „კმარა“, ისმის
თავმჯდომარის ზარის ხმა) შეეძლოს რომე-
ლიმე დაწესებულებისათვის რაიმე კანონის და-
დგენა. მარა თუ გინდ ეს ასეც ყოფილიყო,
მე ხელთა მაქვს სიეზდო ოქმი, საიდანაც
ჩანს, რომ სიეზდმა ის აზრი გამოთქვა, რომ
პირველ დაწყებითი სკოლებში სამოსწავლო
წლის პირველ ნახევარში სწავლება სამშობლო
ენაზე სწარმოებდეს, ხოლო რუსული ენის
სწავლება სამოსწავლო წლის მეორე ნახევ-
რიდან არის შესაძლებელიო. მაშასადამე ბ.
კრუპსკი აქაც არ ამბობს სიმართლეს!.. (ხმა-
ურობაა. ხმები: კმარა. თავმჯდომარის ზა-
რის ხმა).

აქ დიდხანს არ შევაჩერებ თქვენს ყურა-
დლებას ამ საგანზე და გეტყვით მხოლოდ
იმას, რომ საერო სკოლებთან სახალხო განთ-
ლების სამინისტროს უწყების ასეთ დამოკიდე-
ბულებაში, ჩვენ, ქართველები ვერ ვხედავთ
ჩვენდამი იმ კეთილ-განწყობილებას, რომელ-
ზედაც ამ ტრიბუნიდან მინისტრთა საბჭოს თავ-
მჯდომარემ ილაპარაკა.

კეთილ განწყობილება ჩვენ, უცხო ერე-
ბს, ყოველ შემთხვევაში ცოტა სხვანაირათ
გვესმის. აი ამ კეთილ განწყობილების სურ-
ვილს იძულებული უნდა გაეხადა სახალხო გა-
ნათლების სამინისტრო, რომ არ მიემართა ისე-
თი ზომებისათვის, რაც უეჭველათ იწვევს გა-
ბრაზებას, რაც არ შეეფერება არც პედაგოგი-
ურ და არც სხვა რაიმე გონივრულ მოსაზრე-
ბას, არამედ იწვევს მხოლოდ საერთო უკმაყო-
ლებას. მე ვკითხულობ, რათა და რა მიზნით
ხდება ეს? ვისთვის რა საჭიროა ეს კასოს სა-
მინისტრო? მარა მე იმედი მაქვს, რომ სახელ-
დუმა ამ შეკითხვის განხილვას ვადას დაუდებს,
და ამით ბოლოს მოუდებს იმ აღმაშფოთებელ
ძალადობას, რომელიც ხდება ადგილობრივ და
ამასთან ერთათ ბოლოს მოუდებს სახალხო პი-
რველ-დაწყებითი სკოლების ზედამხედველთა
დათხოვნას, რომლებთაც არაფერი არ დაუშა-
ვებიათ, გარდა 1881წ. კანონის შესრულებიანა.

თავმჯდომარე: კენქს ვუყრი თ. გელოვანის
წინადადებას, რომ დაენიშნოს შეკითხვათა
კომისიას ორი კვირის ვადა.

ვადის დანიშვნა უარყოფილ იქნა